

KUKOMA MUNYAKO WA SILA KASAMULAHO WA MULIKO

 Mukomoke seo... Mwa ziba, Ni na ni munahano nyana, sina, ku bona batu haba yema ha lubala Linzwi. Kana ha mu tabeli cwalo? Lwa yemanga ili kufa likute, lwa yemelenga naha ya luna, kiñi ha lu sike lwa yemela Linzwi cwale?

² Ha lunze lu yemi fa muzuzu feela. Ne ni bala taba yeñwi, ha ki kale hahulu, mi Ne ni nahana ka batu bani busihu maabani be ne ba yemezi Kreste. Haiba ha mu sika eza kale cwalo, kana ha mu na kueza cwalo kacenu?

³ Ne ku na ni mubuleli yo mutuna, seli myaha ye mashumi a supile ka aketalizoho yefitile, Ha nisa hupula feela libizo la hae. Na sepa neli Arthur McCoy, mi na sa silezi mwa buse. Mi busihu bobuñwi na bile ni tolo ya kuli naile kwa Kenya. Mi ali na ile kwa Munyako, mi uli ne ba sa mulumelezi ku kena. Mi ki ha li, “Ki na Arthur McCoy yazwa kwa United States. Ni mubuleli.”

⁴ Kacwalo mulibeleli wafa munyako akena, (cwale ye neli tolo), mi niyena a kena, ali, “Ha ni fumani libizo la hao ni hanyinyani.”

Yena ali, “Kulukile, Ne nili mubuleli.”

Yena ali, “Muñaka, Na...”

⁵ Yena ali, “Kulukile, kana kuna ni sibaka sakuli... Kuna ni se si fosahalile.”

⁶ Yena ali, “Batili, sha. Ni na ni Buka kwanu. Ha ni fumani libizo la hao ni hanyinyani.”

Mi yena ali, “Kulukile, kana Na kona kueza sesiñwi ka zateñi?”

⁷ Yena ali, “Wa kona ku kambamisa taba ya hao kwa Lubona Lolusweu lwa Katulo.” Mulimu, atuse. Na hani lati kuba kwani.

⁸ Yena ali, “Kulukile, haiba yeo kona sepo yaka feela, Ni sepa kuli Ni kambamise feela taba yaka he.”

⁹ Mi ali kuzwa foo a hupula kuli saya kwa hule nyana, mi ona... Mi ha na kalile, uli ne kuna ni lififi, mi kwa kala kuba liseli ni liseli, mi uli neku bonahala kuli ne kusina sibaka seo Liseli le neli siyo, kono na li luli mwahala Lona. Mi ali ki Hali, “Ki mañi ya sutelela mwa Lubona lwa Ka lwa Katulo?”

¹⁰ Ki hali, “Kina Arthur McCoy. Ni mubuleli, ni lumezi mioya ye miñata mwa Mubuso.”

Yena ali, “Kana libizo la hao hali sika fumanwa mwa Buka?”

“Batili.”

Ali, “Mi kona ha ukambamezi mwa Kuta ya Ka?”

“Eeni, sha.”

¹¹ “U ka amuhela swanelo. Ni ku atula ka Milao ya Ka. Arthur McCoy, kana ukile wa bulela buhata?”

¹² Yena ali, “Ne ni hupula kuli ne Nili mutangana yo monde kufitela ha Ni toyema mwa Liseli lani.” Yena ali, “Kono fa Pila Liseli lani, Ne nili mu ezalibi.” Kaufela luna lu kaba cwalo. Wakona ku ikutwa ku silelezwa cwale, kono libelela kufitela ha uka yo fita Kwani. Mu ikutwa cwani fa Ha sweli kutoza? Mo mukona ku utwela bunyinyani! Ku ka ba cwani kwa Lubona Lulusweu lwa Katulo?

Ki hali, “Kana ukile wa bulela buhata?”

¹³ Ki hali, “Ne ni hupula kuli ne Nili ya sepahala, kono tuka totunyinyani tone Ni hupula kuli neli buhata bo bunyinyani, bwa toba ze tuna mi zensu Kwani.”

Yena ali, “Eeni, sha, Ni bulezi buhata.”

Yena ali, “Kana ukile wa uzwa?”

¹⁴ Ki hali, “Ne ni hupula kuli Ne ni sepahalile ka zona, kuli hani sikabe ni uzwa, kono ali, fa Pila Liseli lani, Na—Na hupula kuli ne kuna ni litaba zene Ni uwzize, yani nesi niti.”

Yena ali, “Eeni, sha, Ni kile na uzwa.”

Yena ali, “Katulo yaka . . .”

¹⁵ Mi nali feela fakaufi kuli autwe katulo ya hae, “Zwa uye mwa mulilo osafeli ono lukiselizwe diabulosi ni mangelo ahae,” ali lisapo kaufela ne li zwa ku leliñwi.

¹⁶ Ali, “Na to utwa Linzwi lelinde hakalo le Ni sika utwa kale mwa bupilo bwaka.” Yena ali, “Hane Ni sikuluhile na to talima, Na to bona sifateho sesinde kuse Ni kile nabona; sesinde ku fita sifateho sa boma, linzwi lelinde kufita leo boma bakile bani biza.” Ali, “Na to talima maneku kaufela. Na to utwa Linzwi, lelili, ‘Ndate, yeo ki niti, akile a bulela buhata mi nasi ya sepahala. Kono, mwani mwa lifasi na Ni yemezi,’ ali, ‘cwale Ni ka yema mwa sibaka sa hae.’”

¹⁷ Sani kona se Ni bata kuli siyo ezahala Kwani. Ni bata ku Mu yemela cwale, kuli, nako yani ha ika taha, Na yemi mwa sibaka saka.

¹⁸ Ha lubaleñi mwa Genese 22: li timana za 15, 16, 17 ni 18.

Mi lingeloi la MULENA la biza Abraham la buleli lili mwa lihalimu.

Mi lali, Ni konkile ka Na, ku bulela MULENA, kakuli u ezize taba ye, mi ha usika hanisa mwana hao, mwana hao wa libanda.

Kuli mwa kufuyola Ni ka ku fuyola...kuatisa Ni ka atisa peu ya hao sina linaleli za lihalimu, mi sina lishabati leli fa likamba la nuka; mi peu ya hao ika koma munyako wa lila za yona;

Mi mwa peu ya hao kimo kuka fuyolelwa linaha kaufela za lifasi; kakuli u utwezi linzwi la ka.

Ha lu lapeleñi.

¹⁹ Ndate wa Lihalimu, unge palo ye cwale, Mulena, mi ubulele ku luna. Mi Moya o Kenile ulwale Manzwi, Mulena, kufita kwa pilu kaufela. Kuli lute lufite fa lika ze lutokwa kakusasana wo, kakuli ki ze tuna, Mulena. Mi U lu bulelezi ku kupa ka buñata, kuli nyakalalo ya luna itale. Lwa li kupa ka Libizo la Jesu. Amen.

Mwa kona kuina.

²⁰ Haiba Ni kona kubiza palo ye, ka mizuzu ye likani. Linzwi la ka lisilezwi, kaewalo kona libaka ha Ni lukela ku yema bukaufi ni maikulofoni. Na ziba kuna ni lilata lelituna, kono lu itobohe lona nyana. Ni bata ku ibiza kuli: *Kukoma Munyako Wa Sila Kasamulaho Wa Muliko*.

²¹ Taba yaluna i kalela kuzwa kwa litaba zende zeñwi za Abrahama. Mwa ziba kuli Abrahama ki ndatahe ba ba sephala. Mi sepiso ne i filwe ku Abrahama. Mi kakuba feela bo muca sanda ni yena, ka Kreste, kona nzila feela inosi ye lu amuhela sephiso ka yona, ki ka Abrahama. Cwale, Abrahama neli mutu feela, kono na bizizwe ki Mulimu mi na sephahalile kwa pizo yani. Fani Mulimu ha na bulezi ku yena, Abrahama nekusina ni haiba nako iliñwi ya kile a kakanya Linzwi lani. Na pilile hande ka Lona. Hakuna taba kamba butata ne buli cwani, mube baba pila ni Lona.

²² Mi cwale na sepisizwe mwana mushimani. Mi alibebelela myaha ye mashumi amabeli ka i ketalizoho kuli aamuhele mwana yani, kubiza lika kaufela kushutana inge kuli ne li si cwalo. Mi he, mi ku mwana yo, masika kaufela a lifasi na lukela ku fuyolwa. Mi mupatriareka na fumanwi kwa pizo ya hae Linzwi la sepiso.

²³ Nali mutala wa se lulukela kuba sona. Cwale luna, halu shwile ku Kreste, lu Peu ya Abrahama.

²⁴ Cwale, ne kuna ni lipeu zepeli za Abrahama. Iliñwi ya zona neli ya butu; yeñwi neli Peu ya moyo. Alimuñwi wa zona nali wa butu, ka nama ya hae; alimuñwi neli Peu ya tumelo ya hae, yona tumelo, yeo ni luna hape lukona kuba Peu ya Abrahama ka sepiso ya Linzwi.

²⁵ Mi cwale kasamulaho a mano likiwa ka myaha ye mashumi amabeli ka i ketalizoho, mi, kufita kuli ahule ka kusupala, ahula ka kutiya. Mwabona, haiba ne ku sika ezahala ka silimo sa pili, silimo sene si tatama nei kaba makazo yetuna, kakuli neseli

lilimo zepeli cwale. Mi ahoha lilimo zani, hana nza supala, mi mubili wa hae waya ushwa. Mba ya Sarah, yona mba, kamba (neifitile) fa kusa pepa. Mi kacwalo mata ahae na yongile, mi ne ku nani . . . Ki nto yesa konahali.

²⁶ Kana mukile mwa hupula seo Mulimu akile aeza kwani? Mwabona, Na sika panga kuli mba ya hae itahise lupepo. Kakuli, muhupule, kambe Na ka eza cwalo, mi muhupule haiba Na ezize cwalo. . . . ne ba sina mabotela a makete a mi amande, mwa mazazi ani, akufa mbututu, mabisi azwa kwa komu. Mwabona? Hape nana ni ku. . . . Misinga ya mabisi a hae nese iomile. Kacwalo Na—Na sa koni ku. . . . Ne kuna ni sene silukela ku ezahala.

²⁷ Fohe, mutualime musali, wa lilimo ze mwanda za kupepwa, kuli aye mwa makateñi. Pilu ya hae neisika ya yemela zani. Ku tata cwale ku musali, lilimo ze mashumi amane, kueza cwalo. Pilu ya hae neisika ya yemela zeo. Kacwalo mwa ziba sa Na ezize? Haiba mu ka lemuha. . . .

²⁸ Cwale Na ziba ba bañata bakona ku kanana. Haiba ki hande kuli ni bulele taba ye? Mwabona, Ni. . . . Ne ikaba feela muhupulo.

²⁹ Mwabona, Bibele ki Buka ye ipitezi. Iñozwi kuli ipatiwe kwa baituti ba lituto za sikolo, sa za bumulimu. Ki ba bakai ba ba ziba cwalo? Jesu na itumezi ku Mulimu. Na ize, “Niitumela ku Wena, Ndate, U Li patezi baba butali, mi Uli patululezi ku ba baka ituta.” Ki Buka ya lilato. Mi lilato la Mulimu ha litaha mwa pilu, fohe uka ba mwa lilato ni Mulimu, fohe U ka patulula ili Yena, yona taluso ya Bibele. Toloko ya Bibele ki Mulimu Yena luli yanza toloka lisepiso za Hae. Kono, Bibele, Iñozwi mwahala mibamba.

³⁰ Cwale, sina musalaka, oh, ki yena musali yomunde hahulu kakufitisisa mwa lifasi loote, mi luli Na mulata. Wa ni lata. Konakuli ha Ni siyo fa lapa, uka ni ñolela liñolo, kuli, “Mulatiwa Bill, busihu bo Ni lobalize feela banana. Ni ta pisize kacenu,” ni seo kaufela aeze, ni zeñwi cwalo. Cwale u bulela seo mwa liñolo. Kono, mwa bona, Ni mu lata hahulu, mi lubata mane kuba alimuñwi, kufitela Ni—Ni kona kubala mwahala mibamba. Na ziba sa bata ku bulela, mwabona, kamba uka ni bulelela zani kamba nee, mwabona. Na—Na ziba sa talusa, kakuli ki lilato laka ku yena, ni kutwisiso ya ka.

³¹ Kulukile, cwalo kona mo iñolezwi Bibele. Mwabona? Za—za sikolo likaya fa halimu a zona; ha bana ku linga. Mwabona, mu lukela kuba mwa lilato ni Linzwi, Yena, “ku Mu ziba.” Mwabona?

³² Cwale, cwale mwahali mo, mubone sa Na ezize. Cwale Abraham ni Sarah sibeli sa bona nese ba hulile, “kusupala luli,” kimo i bulelezi Bibele. Cwale nesi feela kuli neli batu feela bene

ba pilile kale kwani. Bibebe ibulezi kuli, “Ne bali baba supezi luli mwa lilimo.”

³³ Cwale mulemuhe, kasamulaho feela Lingeloi li bonahala, le lubile lubulela ka lona; ye neli Elohim, Mulimu. Mi ki Hali, ku bulelela Abrahama, “Ni ka ku potela kuya ka nako ya bupilo.” Cwale mutualime hande kwa mulaho kwani, nebali mufuta wa Keleke, mwa nzila ye kaufela.

³⁴ Cwale mutualime. Kise fa sene si ezahalile. Cwale, Na sika munata feela Sarah, ni ku nata Abrahama cwalo. Na baisize kwa kuba mucaha yo munca ni musizana yo munca. Cwale seo sakona ku bonahala sa buenyi, kono cwale mulemuhe Linzwi leli siyezi, mi muli beye hamoho. Linzwi ki leli susumelizwe, mi mulukela kuba baba susumelizwe ki Linzwi. Cwale, muhupule, kapili hasamulaho wa seo, kapili hasamulaho wa ku bonahala kwa Lingeloi . . .

³⁵ Na kona feela ku bona sani, milili yani ya limbi ya Sarah, mucembele yomunyinyani ni shawelo fa maheta ahae, ni taulo nyana ya maluli, inza sweli kota, inza zamaya cwalo. “Na, nibe ni munyaka ni mulena ka, mi ni yena inza supezi, cwalo?” Mwabona? Mi kiyo fa Abrahama, mulelu omutelele wo, inza sweli mulamu, ka mwana inezi, ya supezi luli.

³⁶ Mi Na bona, kakusasana leli tatama, maheta ahae akala ku otoloha, litunda la zwa fa mukokoto wa hae. Milili ya hae ya kala ku piluka. Ba kutela kwa bucaha ni busizana. Ku bonisa feela sa Na ka eza kwa Peu ya Silena ya Abrahama, mwabona, ha “luka cinciwa mwa nako nyana, mwa kukobia kwa liito, mi luiswe hamoho.”

³⁷ Mubone sene si ezahalile. Cwale mutuhele ni bonise se kumina. Cwale ba nanuha musipili kuzwa kone ba pila, kwani kwa Gomora; mi bayo kuyo fita kwa Gerari, kwani kwa naha ya Mafilisita. Kana mukile mwa lemuha? Mu ilondate fa mapa, mo ibeki kwahule. Ki musipili luli kwa basupali baba cwalo.

³⁸ Mi he, kwanda zeo, mwa—mwa naha ya Mafilisita mwani, ne ku nani mulena wa mwanana wa libizo la Abimeleki, mi na bata musali wa kunyala. Mi nana ni basizana bani ba bande kaufela ba Mafilisita, kono ha na tilo bona mucembele mumbulu, ali, “Ki yomunde ha talimwa,” mi ki ha wela mwa lilato ka yena ni ku lakaza ku munyala. Yeo ki niti. Uh-huh. Mwabona, na li yomunde. Mwabona?

³⁹ Na sa kutezi kwa bu sizana. Mulemuhe, nana ni ku, ku tahisa mwana yani. Mulimu na mu fetuzi kuba si bupiwa sesinca. Mi na nani ku, hulisa mwana yo. Mi muhupule, Abrahama, “mubili wa hae noswana feela sina wo shwile,” mi Sarah na shwile fani Abrahama ha nali. . . Isaka nana ni myaha ye mashumi amane ka aketalizoho a kupepwa, Na lumela, fani Sarah ha shwa. Mi Abrahama anyala musali usili mi apepa bana baba shimanzi baba supile kwanda ba sizana, hasamulaho wa fani. Amen.

⁴⁰ Mwabona, mubalange mwahala mibamba. Ki mufuta. Si bonisa seo A ka eza kwa Bana ba Abrahama kaufela. Kifo lu sutelezi ku sona cwale, kacwalo maheta aluna a colomokile ni zeñwi hapangi shutano ni iliñwi, ba likani. Ni milili ya luna ya limbi ni zeo kaufela lili zona, halina butata cwale. Ha lu talima kwa mulaho. Halu talimeñi kwa pata ya se lutaha ku sona.

⁴¹ Mi muhupule, sisupo se lubona se, neli sisupo sa mafelelezo seo Abrahama ni Sarah ne ba boni, fani mwana sepiso asika taha kale kuto iponahaza. Lu lumela kuli lu mwa hola yani.

⁴² Yena mupatriareka, hasamulaho mushimani yo amano pepwa...Kana mwakona ku nahanezeza Isaka, mwendi fa myaha ye lishumi ka yemibeli za kupepwa; mulatiwa yomunyinyani, mushimani wa milili ye tatani, meto amanyinyani a mafubelu? Na kona ku nahanezeza mwana utwezi mahe yani; musali yomunde yomunyinyani, mi kacwalo, ni bo ndatahe. Mi zazi leliñwi, Mulimu ali, cwale, ka mutala; luse luile luli, hola ya taha. “Ni ku ezize kuba ndate wa linaha, ka yena mushimani yo, kono Ni bata kuli unge mushimani yo fa halimu a lilundu le Ni ka kubonisa, mi Ni bata kuli u mubulaele teni kwani, ka sitabelo.” Kana mwakona ku nahana taba yeo?

⁴³ Cwale ha mu sika kupiwa kale kuli mufite mwa muliko o cwalo. Ha ezi cwalo linako za cwale. Yani neli mitala, miluti.

⁴⁴ Kana Abrahama na sabile? Batili, sha. Abrahama na bulez ciwana, “Ni paka niti ya kuli Yena wakona ku mu zusa kwa bafu, kakuli Ne ni mu amuhezi sina mutu yazwa kwa bafu. Mi haiba taelo ya Mulimu yani ini bulelezi kuli ni eze cwalo, mi Ni pilile ka ku sepahala ku yona, mi ini tusize, kwa kunifa mwana; Mulimu wa kona ku mu zusa kwa bafu; ili kone Ni filwe yena, kuba sisupo.”

⁴⁵ Oh, mawi, mulikani! Haiba Mulimu ufile mina ba Pentekota Moya o Kenile, ku bulela ka malimi, kana mulukela kufita kai mwa ku lumela mata a Hae a kufolisa, ni bunde bwa Hae ni sishembo! Haiba Na ezize cwalo, ku lwanisa baituti kaufela ba za bumulimu ba lifasi! Ne ba bulez kuli ha ku konahali, kono Mulimu na ezize cwalo kakuli ki sa Na sejisize. Fohe tuyeme ka Tobolo ya mina, Linzwi la mina, Mukwale wa mina, mu lumele Linzwi la Mulimu. Mulimu nabulezi cwalo, mi ani kona mafelelezo!

⁴⁶ Mulemuhe, cwale, na zamaile musipili wa mazazi amalalu kuzwa kwani, ni lipelesa. Cwale Na kona ku zamaya, ha Ne ni sakona ku potapota, Ne ni zamaya limaele ze mashumi amalalu ka zazi, mwahala lihalaupa; mi ne lu banga ni mafula a mautu, ka kubulela cwalo. Kono batu bani, nzila feela ya ku zamaya ka yona, neli ku pahama tonki kamba—kamba ku zamaya. Mi a zamaya musipili wa mazazi amalalu kuzwa kwana pila, mi kihia inula meto ahae, kwani kwa lihalaupa, ni kubona lilundu lili kwa hule.

⁴⁷ Sa anga Isaka ni kutama mazoho a hae. Yoo, kaufela lwa ziba, mwa Genese 22 fa, ki mufuta wa Kreste. Ku muisa fa lilundu, kutama, sina Jesu na i sizwe kwa lilundu, Lilundu la Kalvari; mufuta wa Mulimu afia Mwana Hae, kauke faa.

⁴⁸ Kono hane bailo fita fa halimu fani, mi yena nali ya utwela, Isaka akala kuba ya ikalelwa. Ki hali, “Ndate, kize likota, kiye aletare, ki wo mulilo, kono sitabelo si kai?”

⁴⁹ Mi Abrahama, kuziba kwani mwa muhupulo wa hae, ibo Linzwi la Mulimu lali kuyema fani, ki hali, “Mwana ka, Mulimu wakona ku iponela sitabelo Iliyena.” A biza sibaka kuli, “Jehova-Jaire.”

⁵⁰ Mi cwale hana tamile mwana hae, na ipeile ku utwa kuisa lifu; amu lobaza fa aletare, acomola tipa mwa sipushu, ni kukala ku zusa bupilo ku mwana hae tota. Mi, hana ezize, Sesiñwi sa to swala lizoho la hae, ni kutoli, “Abrahama, wisa lizoho la hao.”

⁵¹ Mi ka nako yani, totolo ne ilila, mwa mulaho wa hae, ni manaka ayona i kakatezi mwa sicacani.

⁵² Kana mukile mwa hupula, totolo yani ne izwa kai? Muhupule, naha neitezi litau ni litongwani ni mawawa ni maakanyani, ni libatana zani zeca lingu. Mi nali buhule bobu cwani ni za zwelopili? Mi, hasamulaho, fa halimu a lilundu, fo ku sina mezi. Mi na nanuzi macwe, kaufela fani, aku ezisa aletare. Kana totolo yani neizwa kai? Mwabona?

⁵³ Kono nesi pono. Na bulaile totolo; ne ina ni mali. Kisikamañi sa na bulezi? “Mulimu wakona ku iponela sitabelo Iliyena.”

⁵⁴ Kana *muka* nanuha cwani mwa sipula seo? Kana mwana *yo* ya luluhile ukaba cwani hande, kamba *wena* kuzwa mwa sipula seo, *wena* kuzwa foo, *wena* yana ni butata bwa pilu? Seo kaufela butata buli sona, “Mulimu wakona ku iponela Iliyena.”

⁵⁵ Abrahama na lumezi. Mupatriareka na pilile ka ku sephahaha kwa sepiso. Mi Yena amufa sepiso, kuli, “Peu ya hao! Kakuli u lumezi Linzwi la Ka, mi hakuna taba ka ze liteni, peu ya hao ika koma munyako wa lila za yona.”

⁵⁶ Kiñi? Sila kaufela sene sitaha, kuba sisupo, ku lwanisa Abrahama, Abra-...Sila sa kuli, “Yena kiya supezi. Ni supezi hahulu. Kaufela *se*, ni lika zeñwi kaufela.” Yena na sali ya sephahaha kwa sepiso yani.

⁵⁷ Cwale, mutu ya nani tumelo yani, niteñi ukanga Linzwi la Mulimu hakuna taba ka ze liteni. Cwale, haiba hamukoni ku eza cwalo, fohe ha mu Peu ya Abrahama. Yani kona tumelo yeo Abrahama na nani, Peu ya hae.

⁵⁸ Sepiso ya Abrahama neli kuli “Peu,” ya hae cwale ili Peu ya silena, hape, sina ha Ni mi bulelezi nako nyana yefitile. Ni liswayo le la Na file Abrahama, neli liswayo la sepiso. Mi Peu ya silena, kuya ka Maefese 4:30, ki “kuswaiwa ka Moya o Kenile,” hasamulaho ba mano yemela muliko. Mulike ku nahana fa teni.

⁵⁹ Babañata ba hupula kuli ba na ni Moya o Kenile. Babañata ba ipapata kuba ni Moya o Kenile. Babañata ba kona kubonisa bupaki ni lisupo za ona. Kono, niteñi, haiba ha ukoni kupila ni Linzwi le, ha ki Moya o Kenile. Mwabona?

⁶⁰ Mwa lumela Linzwi kaufela, fohe muka swaiwa hasamulaho wa muliko. Ha lu lumela sepiso kaufela mwa Linzwi, fohe lu swailwe ka Moya, ili ku paka sepiso. Sani kona, seo Abrahama, ka nzila ya na ezelize. Hasamulaho, mi hasamulaho feela, kona lu kaba ni tukelo ya kukoma minyako wa sila sa luna. Hamukoni ku eza za teni konji pili mube Peu yani. Muhupule, mwa Bibebe...

⁶¹ Ni kutilizwe ka zona, kwa Houston kamba kokuñwi, ku sili...kamba, Ni talusa Dallas. *Situpa*.

⁶² Mwabona, mu—mu Juda na kona kubonisa, kwani kwa Isilaele, kuli nali mu Juda ka mupato. Kono Mulimu naize, “Ha Ni bona mali! Mi mali ikaba situpa ku mina.”

⁶³ Bupilo bone buli mwa mali nebusa tahi ku mulapeli, kakuli, kulukile, neli bupilo bwa folofolo, neli feela muluti ono taha kwa Bupilo bwa sakata. Hasamulaho, buino bwa zepangilwe, ona mali kasibili, nana ni ku bonahala bu fubelu fa minyako ni fa likwalo za minyako.

⁶⁴ Kutoziwa ka sicalo sa hisopa, sesili feela sicwani sesi zibahala, kubonisa kuli hamu lukeli kuba ni tumelo yeñwi yeipitezi. Mu lukela feela kuba ni ze swana, tumelo ye munani, sina hamu lukela kuliza mota ya mina, kutaha kwa keleke. Mwabona? Buñata bwa batu ba hupula kuba sika sesiñwi... Kono, batili, batili, seo si fosahalile. Ki tumelo feela ye zibahala kona yemu lukela kuba ni yona fa kulamba Mali. Ku utwa Linzwi, ni ku lumela Linzwi, ku Li sebelisa, kona cwalo. Kukumula feela bucwaní kai ni kai kwani kwa Palestine, neli hisopa, bucwaní bobu nyinyani feela bone bumelile mwa miandala ya limota, ni kwa matuko, ku bu cimbeka mwa mali ni ku lamba fa minyako.

⁶⁵ Mi, muhupule, Ha ni na taba kamone ba bezi mwa bu likani, kamo mu Juda naka bonisa kuli nakeni mwa mupato, mo mutu nabezi yo munde, seo kaufela bu likani nebuli hanisa konji—konji haiba neku kaba situpa fani. “Ha Ni bona mali,” anosi.

⁶⁶ Cwale, Mali fa cwale, ona Situpa, haki muinelo wa lika, muinelo wa Mali a Kreste, kakuli Na suluhile lilimo ze likiti ze felile.

⁶⁷ Kono, mwa bona, kafo li...neli lukela kuba ze lukisizwe kwani, bupilo bwa folofolo nebusa koni kutaha ku mutu, kakuli bupilo bwa folofolo habuna moyo. Folofolo ha i zibi ze lukile ku ze maswe. Mutu ki yena ya nani moyo.

⁶⁸ Cwale, kono fani Jesu, yena Mwana Mulimu, yana pepilwe ka mwalyanjo, nasuluzi Mali a Hae, Bupilo bone buli mwa Mali ani

neli Mulimu Kasibili. Bibele iize, "Lu pilisizwe ka Bupilo, ona Mali a Mulimu." Haki mali a mu Juda, haki mali a waba Macaba; kono ki Bupilo bwa Mulimu. Mulimu ki yena yana bupile Mali a, na pepilwe ka mwalyanjo. Nasika ziba muuna kaufela, kamba ni haiba kuli a . . . nihaiiba lii nelisika zwa ku yena.

⁶⁹ Na ziba buñata bwa mina batu mubata ku lumela kuli nabile ni lii. Lii ha likoni kuba mwani kusina maikuto, ki sikamañi seo Mulimu naka eza he? Mwabona?

⁷⁰ Na bupile zepel ciwalo lii ni bupilo bwa Mali, mi yani neli tabernakele ya Mulimu, ya kenile. "Hani na kueza kuli Ya Kenile wa Ka abole." Mwabona kone kuzwa lii? "Kamba mane Ni siye moyo wa Hae mwa lihele." Mubili wa Hae noli o kenile! Oh, mawi! Mina hamukoni, hamukoni ku lumela seo, mukona cwani kuipiza Mukreste?

⁷¹ "Lu pilisizwe ka Mali a Mulimu." Fani kona fokuna ni tumelo yaka. Isiñi kukena mwa mali a mupolofita, isiñi ku zamaya mwa mali a mutu wa batu feela, kamba muluti, kamba muituti. Lu zamaya kukena mwani ka Mali a Mulimu. Mulimu nabulezi ciwalo. Na tiloba mutu. Na cincize mayemo a Hae. Na namuluzi tende ya Hae fa, ni luna, ni ku toba alimuñwi wa luna. Yena ki Muyemeli wa Lubasi. Na nani kutaha ku toba sina luna ku luna, kakuli wani neli mulao. Mulimu na tiloba mutu ni kupila mwahala luna.

⁷² Mulemuhe kamo kuli, ka kueza ciwalo, Na zwa ku Yena, neli Mulimu, ona Moya, mi Moya wani utaha fa halimu a mulumeli. Kabakaleo, bona Bupilo bone buli mwa Sitabelo sa luna, luna lu zibahazwa ka Bupilo bobu swana bwani.

⁷³ Mi ba kona cwani kubona Bupilo bwa Mulimu ha bu zamaya mwahala batu, mi ba Ubiza kuli ki sika sesi masila, haiba Yani kona zibahazo ya luna ya Sitabelo? "Ya lumela ku Na, misebezi ye Ni eza uka eza ni yena." Bupilo bwa Hae kukuta fa sitabe- . . . kuzwa kwa Sitabelo, halunze lu beya mazoho aluna ku Sona ni ku iponahaza luna bañi baba shwile kwa mihupulo ya luna. Mi cwale lukona ku tuhela cwani likopano ku lukasheza mwa lituto za kuipangela ni lika, ni kubulela kuli lwa Li lumela? Lu shwile kwa neku la lika zani.

⁷⁴ Paulusi naize, "Hakuna taba ni yekana mwa lika ze yeni bilaeza," kakuli na tamilwe kwa mayendameno, Kreste. Mi kaufela ze kona ku fumaneha mwa bupilo li tamilwe kwa mayendameno, mi mayendameno aka ki Linzwi. Mi mutu usili kaufela ki, ya—ya pepilwe ka Moya, mayendameno ki Linzwi la Mulimu. Ni tamilwe ku Lona. Ni beile mazoho aka ku Lona. Mi Lingile sibaka sa ka, mi Ni itibahalize ilina ni Yena. Ne luziba kuli Na sepisize ku itibahaza ni luna. Sani sitisa tumelo ya luli, isiñi tumelo ya hao feela, kono tumelo ya Hae; sika se mu sakoni ku zamaisa. Wa eza ciwalo. Cwale mulemuhe. Hasamulaho, mi hasamulaho feela, fani li . . . ki sepiuso ye ezelizwe mina.

⁷⁵ Hakuna taba buñata bwa likeleke ze mukeni, kuli mu kolobelizwe hakai; kutalima kwa pata, kwa mulaho, nzila kaufela yemu bata. Kufitela Liswayo lani ha lika beiwa ku mina, fohe kipeto hamuna tukelo ya kuipiza mina bañi kuli mu swalisano ni Sitabelo sa mina.

⁷⁶ Mi Liswayo la Mulimu ki nto mañi? Maefese 4:30, ili, “Musike mwa halifisa Moya o Kenile wa Mulimu, ili koo mu swailwe kuisa Lizazi la kuliululwa kwa mina.” Isiñi kuzwa kwa ancafazo iliñwi kuya ku yeñwi, kono kuswaiwa Kuyakuile kufitela Lizazi leo muliululwa kukuta.

⁷⁷ Mi, muhupule, haiba mwalikuba mube mwa mihipupo ya Mulimu, kimo muka shwela kuba ni Mulimu. Ki babakai baba ziba kuli Nali Muliululi? [Puteho ili, “Amen.”—Mu.] Kulukile, hasamulaho, sika kaufela sesi liuluzwi sina ni kukuta kone sizwile. Kacwalo haiba Na tilo lu liulula, kana lukona cwani, nako yeñwi ne lu satokwi ku liululwa, mi kaufela nelu “pepezwi mwa sibi, ku bupiwa mwa bumaswe, lutile mwa lifasi lunze lubulela buhata”? Ku bonisa kuli Mukreste wa luli ki munahano wa Mulimu, ku sikaba kale lifasi, kamba naleli, kamba moyo, kamba sika kaufela. Kisa Kuyakuile, mi Na tezi kuto lu liulula. Ki muhupulo wa Mulimu, o bulezwi mwa linzwi, kuba mwa ponahazo ni ku . . . kutisiwa hape mwa muhupulo wa Hae.

⁷⁸ Muliululi wa Lubasi! Lani kona libaka leo Mulimu Kasibili nana ni kutoba alimuñwi wa luna, kuto liulula. Nekusina sika sisili sene sikona kupeta cwalo. Nihaiba Lingeloi nelisika la kona, hakuna sesiñwi. Yena kasibili nana ni kutahafafasi, kuto likiwa sina luna, kuto lu liulula.

⁷⁹ Mulemuhe cwale peu ya butu ya Abrahama. Halu tatubeni zeñwi za lipeu zani, mi lubone haiba Mulimu akile abuluka Linzwi la Hae ka peu ya butu, ye neli Isaka. Halu tatubeni zeñwi za lipeu za butu zene lumezi lisepiso za Mulimu ka kutala mi neli sina lipuzo. Cwale muhupule, neku nani likiti zeñata ni likiti zeñwi ze kona ku alulwa ka likiti za batu bene bakeni mwa mupato ni zeñwi cwalo, mbo niteñi ne ba si Peu ya Abrahama. Kaniti, “Sani sesili bu Juda kwande haki bu Juda; ki sesili bu Juda mwa hali.” Bona, buñata bwa bona, neba palezwi, ku palelelwa mukwazo.

⁸⁰ Mutualime, mwa lihalaupa, neba ize, “Luna . . .” Ka lizazi la Paseka, kamba kwa kunwa kwa liweluwelu, Mutoziwa Joani 6. Kaufela bona nebasweli kunyakalala.

⁸¹ Jesu naize, “Kina Licwe lani lene lili mwa lihalaupa. Kina Sinkwa sene sizwile ku Mulimu, kuzwa mwa Lihalimu, haiba mutu aka ca teñi haana ku shwa.”

⁸² Bona bali, “Bo kuku aluna ne bacile manna mwa lihalaupa, ka lilimo ze mashumi amane.”

Yena ali, “Mi bona kaufela, mutu ni mutu, ba shwile.”

⁸³ *Kushwa*, munge linzwi leo mi muli nahanisise, mubone se litalusa, “Kuyakuile ba kauhani.” Ibo, nebali peu ya Abrahama. *Lifu* litalusa “kukauhana, kuyunda, ku sinyiwa kufelelela, kuyunda.” Jesu naize neba shwile, mutu ni mutu wa bona, ibo nebali ma Juda ba bakeni mwa mupato.

⁸⁴ Mwabona, batu baba shebile, bakeñisa feela kuli luba Methodist, Baptist, Presbyterian, luba ni buipuleli bo bunyinyani, ni lika ze swana sina cwalo; diabulosi ni yena ulumela ona molu lumelela luna.

⁸⁵ Kono mulukela kuba baba itibahaza ka Lona. Mulimu una ni ku Li paka ka sona, ka swayo ya Moya o Kenile. Hakuna puzo ya Linzwi!

⁸⁶ Haiba mubulela kuli, “Kulukile, cwale, zeo neli za lizazi lisili,” kuna ni sesi fosahalile.

⁸⁷ Kucwañi he haiba mutu naka taha inza mata, mi mumu bulelela kuli liseli li sweli ku benya, mi yena umatela kwa njelelo, uli, “Na hana zeo. Na hana zeo. Hakuna sika sesi cwalo sakuli liseli. Na hani lumeli zeo”? Kuka ba ni sesi fosahalile ni mutu yo. Mwendi kiya lyangana mwa booko. Haiba unaha maseli alona afutumala ni mukwa wa kufa bupilo wa lona, kuna ni sesi fosahalile ni yena, mwa booko.

⁸⁸ Mi cwale mutu abona Linzwi la Mulimu, hali bonahala patala fa pila hae, mi la iponahaza, mi yena ukwala ni ku hohela fafasi masila a kopano ya hae, kuna ni sesi fosahalile ni muuna yoo, mwa moya. Kuna ni sesi fosahalile ni yena. Kuna ni sesi fosahalile ka moya. Ya cwalo ha koni feela ku Li amuhela. “Bubofu, mi ha zibi,” bayá kwa Katulo, mi Mulimu kiyena ya kaba Muatuli.

⁸⁹ Mulemuhe hane ba—ba ezize se, ni lipeu ze cwale zene Li lumezi, mutualime sene si ezahalile. Ha lu tatubeñi babañwi ba kubona cwale, peu ya Abrahama.

⁹⁰ Halungeni bana ba si Heberu, kakuli ne ba yemi ka ku sephahala mi neba sike ku kubamela milapelo ya maswaniso. Neba hanile ku kubamela siswaniso seo mulena wa manaha na ezize. Nesi pangilwe ka ku likanyisa muuna ya kenile, cwalo, siswaniso sa Daniele.

⁹¹ Kubonisa kuli lusika lwa ba Macaba ne kutisizwe teni ka neku la buhata, ka ku lapela siswaniso sa mutu ya kenile. Siya ka mukwa o swana, ni foo batu haba ka hapelezwa ku lapela liswaniso za batu. Sitaha ka sinulo, sa Daniele ka kukona ku toloka Linzwi, lene li ñozwi ka muñolo fa limota. Yani kona nzila yeo li tahile ka yona, mi kona mo li zamaela, ka nzila ye swana, ka siswaniso sa ba Macaba.

⁹² Mulemuhe, neba hanile ku eza cwalo. Mi kisikamañi sene ba ezize? Nebali peu ya Abrahama bayema ka niti kwa Linzwi, mi

ba koma munyako wa sila, sa mulilo. Neba ezize cwalo. Kulukile, Linzwi la Mulimu kila niti.

⁹³ Daniele, ku likiwa ka milapelo ya Mulimu anosi wa niti. Na likilwe ka sona. Mi mwa nako ya muliko, na yemezi muliko. Mi kisikamañi seo Mulimu naezi, hasamulaho li bonahala ku ba leli monkoha kuzwa ku yena, sina mo luka bulelela? Mi neba sa zibi sa kueza. Neba na ni ku mu fepa kwa litau. Kono Daniele ayema ka ku sepahala kwa muliko, kuli kuna ni Mulimu alimuñwi wa niti, mi kiha koma munyako wa sila sa hae. Mulimu na kwalile milomo ya litau.

⁹⁴ Mushe na pilile ka ku sepahala kwa linzwi la sepi, fa pila balikanyisi ba buhata, Jambri ni Janise, mwa muliko. Mutualime, Mulimu na kopani ni yena, ka lika za moyo, ku mu bulelela kuli aye ayo eza lika ze, ku bonisa lisupo ze, mi ni sisupo kaufela ne sikaba ni linzwi. Mushe ki ha ya kwani, ka niti feela mwana zibela. Na yumbezi mulamu wa hae fafasi, mi wa fetuha kuba noha. Mwa ziba zene ezahalile? Kiha se kutaha ba likanyisi mi baeza lika ze swana.

⁹⁵ Cwale, Mushe na sika yumba mazoho ahae, ni kuli, "Kulukile, Na sepa lifosahalile kaufela." Na inzi inza libelela Mulimu. Na pilile ka niti. Hakuna taba kamba neku nani balikanyisi ba bakai, na pilile ka niti. Mi ha na pilile ka niti kwa tumo ya hae, ku tisa batu bani mwa sibaka sani, hane ku tiloba mezi mwa nzila ya hae, Mulimu na mu lumelelize ku akoma, mi ki Ha kwalula munyako ka Siita sa Mulilo sene si mu etelela. Aisa sicaba kwa na ha ya sepi.

⁹⁶ Joshua, muzamaisi yomuñwi yo mutuna. Neli bababeli feela kuzwa mwa... bene bailo kena mwa na ha ya sepi, Joshua ni Kalebu. Ne batilo fita fa sibaka sesi bizwa Kadeshi, sene sili sibaka sa fahali a lifasi ka nako yani, kuli mane sani neli sipula sa katulo. Mi, oh, neba lumile litwela ze lishumi kazepeli ku yo talima na ha, mi ba lishumi ka bababeli bayo kuta.

⁹⁷ Ba lishumi ba ku bona bali, "Oh, ki musebezi omutuna hahulu. Nelu sakoni feela ku ueza. Kulukile, batu bani, lu bonahala sina limbimba kwa matuko abona."

⁹⁸ Kono kisikamañi sa na ezize Joshua? Na kuzisize batu. Na ize, "Mulibelete fa muzuzu nyana. Lukona hahulu ni kufita kuli luyo amuha, hakuna taba kamba lu ba banyinyani cwani, kamba ki babakai baba li teni ka ku likana." Kisikamañi sa na ka eza? Na yema ka ku sepahala kwa sepi yani, "Na mifa yona na ha ye," kono mu ilwanele ka muhato kaufela.

⁹⁹ Kana mwa lumela seo, ima? Mulimu umifile foliso ya mina, kono mu ka lwana ka muhato kaufela. "Kaufela ko lingandi za mautu amina li ka hata, sibaka seo Ni mifile sona ku sikoma." *Mitala* italus "kukoma." Ki sa mina kaufela sona, sepi kaufela ki ya mina, kono muka lwana muhato kaufela wa musipili cwale.

¹⁰⁰ Cwale, Joshua na zibile seo Mulimu nabulezi. Nali peu ya Abrahama. Mwabona? Na ize, “Na lumela cwalo, kuli Mulimu ulufile na ha, mi lwa kona ni kufita ku iyola.” Mi kakuli nayemi mwa muliko, kushutana ni sikwata kaufela sa ma Isilaele, mishobo kaufela ni batu kaufela ba bokolola ni kulila. Joshua ali, “A mukuze! Mulimu kiyena ya file sepiso.”

¹⁰¹ Hakuna taba kamba u yomutuna cwani, ni sesi lwanisa kuli sicwani, ni seo mualafi abulezi, Mulimu kiyena ya file sepiso. Ku itingile ku Mulimu kuli apete cwalo.

¹⁰² Kisikamañi sana ezize? Fani hana tile kwani kwa nuka ya Jordani, na komile munyako. Sani kona sa na—sa na ezize.

¹⁰³ Jeriko, naikwalezi sina kulu mwa sikapana. Kisikamañi sa na ezize? Na komile munyako.

¹⁰⁴ Nihaiba zazi leliñwi sila sa hae hane si lika ku munga, na komile munyako wa sila sa hae kuli mane alaela lizazi kuli li yeme kulo ku likuñwi. Mi lizazi kiha li mu utwela, mi neli sika sheña ka lihola ze mashumi amabeli ka amane.

¹⁰⁵ Mulimu kiya sephala kwa lisepiso za Hae, hakuna taba kamba Una ni kueza sikamañi; kufeza za Lihalimu A sika tuhela kale Linzwi la Hae kuba lelikomilwe. Ha si kaeza kale sepiso ya Sa koni kutaleleza. “Kina Mulena ya folisa matuku ahao kaufela. Haba ka beya mazoho fa halimwa baba kula, bao baka foliswa.” Amen. “Haiba wakona ku lumela, lika kaufela za konahala.”

¹⁰⁶ Joshua na lumezi, nihaikenge kuli Mulimu natuhelisize lifasi kwa kupotoloha. Kuli swala mwani ka Mata amañwi, mata a Hae Tota; kuli lifasi neli sika potoloha ka lihola ze mashumi amabeli ka zene, kufitela Joshua akoma lila za hae. Na komile minyako. Kaniti, na komile. Mulimu kiya sephala kamita.

¹⁰⁷ Cwale Ni sepa kambe nelu na ni nako yaku fita mwa bahali babañata, kono Ni na ni mizuzu ye lishumi cwale. Mutualime, bahali ba bande ba kaufela, ka mone ba inezi, ni bahali ba batuna ba tumelo, kaufela bona neba shwelanga fa munyako wa lifu. Kaufela bona neba yunda, ona fapila munyako wa lifu.

¹⁰⁸ Mi kiha kutaha Peu ya Silena ya Abrahama. Bona nebali peu ya butu kaufela bona, kuzwa ku Isaka. Kono fa se ku taha Peu ya Silena ya Abrahama, ye neli Kreste, Peu ya Abrahama ya tumelo; seo lu lukela kuba sona, lu boneñi feela haiba lu cwalo kamba kutokwa. Peu ya butu yona neili feela mufuta. Ba kaufela neba pepilwe ka kupepwa kwa butu, kono Yena na tahile ka kupepwa ki mwalyanjo. Mwabona, yani nesi wa peu ya Abrahama, he, ya mu Juda. Na tahile ka peu ya tumelo ya sepiso. Mi, kasamulaho, lulukela kuba bana ba Hae, kufitela ku yena Muuna yo.

¹⁰⁹ Mutualime sa Na ezize. Fani ha Na li fa lifasi, Na tulile ni kukoma munyako kaufela o sila na nani; ona Peu ya Silena. Na i sepisize ka Linzwi. Na u komile. Na lu komezi munyako wa matuku, luna. Kona sa Na tilo eza. Yena, muhupule, mina bakuli,

Na komile minyako wani. Ha mulukeli ku ukoma; Yena na u komile. Batu babañwi ne ba na ni kukoma minyako ya bona bañi. Kono mina hamu lukeli ku koma; u komilwe kale. Yena na komile minyako ya matuku. Mi ki sikamañi sa Na ezize ha Na komile minyako wa matuku Ku bulela kuli U ka eza... Kaufela se mu ka kupa mwa lifasi, ni kaufela se mu ka tama mwa lifasi, U ka si tama mwa Lihalimu, ululufe linotolo za minyako.

¹¹⁰ Na komile minyako wa muliko, ka Linzwi. Mi linotolo neli zakuli, "Mu hanele sila, mi uka saba fapila mina." Yena na li komile kaufela zona; ku koma matuku kaufela.

¹¹¹ Na komile lifu, mi Na komile ni lihele. Na komile lifu ni lihele. Yena na komile zeo ba kaufela neba palezwi kukoma, kakuli bona ki ba peu ya butu. Ye ki Peu ya moya. Na komile minyako wa libita, ni kuzuha ka zazi la bulalu, ili ku biziwa kwa luna.

¹¹² "Mi cwale se lufita batuli." Lu zamaya feela mwateñi, kakuba kuyola sanda, "Batu baba fita batuli." Cwale fa lu talimana ni sila sesi komilwe. Butuku bu komilwe. Lifu li komilwe. Lihele li komilwe. Liki kaufela li komilwe. Oh, mawi! Kambe Ne ni ka ba habeli kwa siyemo, cwale mwendi Ni ikutwa bunde habeli. Lu sweli ku kanana ni sila sesi komilwe.

¹¹³ Ki kabakaleo Paulusi nabulezi kuli, fane ha ne ba yaha muyaho, kuli bapume toho ya hae, kiha li, "O lifu, buhazo bwa hao bukai? Ni bonise fo kona kuni sabiseza ni kuli ni huwe. Libita, kutula kwa hao ku kai, mi unahana kuli uka ni buluka nali kuina ona mwani? Ni ka kusupeza ku lelili mukungulu kwani; mi Na niinzi ku Yena, Uka ni zusa ka lizazi la mafelelezo." Sila sesi komilwe!

¹¹⁴ Yona Peu ya Silena ya Abrahama! Cwale, peu ya butu neisike yakona kusupeza ku Sani. Kono Peu ya Silena yakona ku koma, i komile kale, kakuli Yena uile kwa pili aluna mi ukomile minyako kaufela wa luna. Yena u cwale, hasamulaho wa lilimo ze likiti zepeli, U yemi mwahala luna, Mutuli yo mutuna. Haki kuli Na komile feela matuku... Na komile matuku. Na komile miliko. Na komile sila kaufela. Na komile lifu. Na komile lihele. Na komile libita, ni kuzuha hape. Mi kasamulaho wa lilimo ze likiti, kijo fa U yemi mwahala luna, musihali o, inza Iponahalisa, Mutuli yo mutuna! Amen. Yena usali mo, wapili, kunyakisisa sepiso ya Hae, Peu ya Silena ya Abrahama! Oh, mawi! Mi sila uka...

¹¹⁵ "U ka koma minyako ya lila za hae." Ku bani, Peu, I yema fa inze pila ili ku iponahaza Iliyona ku mañi? Bani Lipeu ze lelilwe pili ba bakona ku lemuha. Na komile zani. Yo, hasamulaho wa muliko wa hae, wa sepiso ya Linzwi, neba swailwe ka Moya o Kenile, mwa Mubili wa Kreste, ku bona ku pakilwe (sikamañi?) Maheberu 13:8 ku ba cwalo. Ba swailwe mwahali mwani ka Moya o Kenile, Moya o Kenile wani onoli ka... Abrahama na

uboni isali kwa mulaho; ka tumelo na li lumezi. Mi cwale lwa U amuhela, kutalima kwa mulaho kwa sepiso yasa Na bulezi. Mi Joani 14:12 ipakilwe mwa mazazi a maungulo a, ka Mutuli ya zuhile, Iliyena.

¹¹⁶ Haki mulao nyana; kono ki Mutu, Kreste, yena Mutuli. Haki keleke ya ka, haki keleke ya ka ya Baptist, kamba Presbyterian, Methodist, kamba ya ma Pentekota, haki ka seo; kono ka Jesu Kreste. Yena wa pila kacenu. Na zuhile ka zona zani, ka ku lubiza.

¹¹⁷ Mi kakuli Wa pila, Na ize ni luna hape lwa pila. "Mutu ha pili ka buhobe feela, kono ka Linzwi kaufela," haki siemba sa Linzwi, "Linzwi kaufela leli zwelela mwa mulomo wa Mulimu." "Kina Zoho ni Bupilo. Yena ya lumela ku Na, ni ha shwile, niteñi uka pila. Yo kaufela yapila mi ulumela ku Na ha na kushwa. Kana wa lumela cwalo?" Munge munyako wa sila kaufela!

¹¹⁸ Kana ukona cwani kukoma Bosworth, kanti Mulimu... Bosworth nali ku Mutuli. Mi leo kona libaka ha na ize, "Hola ye tabisa hahulu mwa bupilo bwaka ki ya cwale." Uh-huh. Na ziba Mutuli ya Mata yani. Sepo ya hae ne iyendami ku Yena. Oh, mawi! Cwale lwa kona ku opela:

Kupila, Na ni lata; kushwa, Na piliswa;
Kupumbekwa, A lwala libi kwa hule;
Kuzuha, A ni biza ku lukuluha;
Zazi A taha, O zazi lelinde!

¹¹⁹ Ku bao baba bonahala ku komiwa. Eddy Perronet, Na sepa neli yena, na sakoni ku lekisa lipina za hae za Sikreste. Ne kusina ya na libata. Neba sina sa kueza ni zona. Oh, ku komiwa, mi ki mulumeli! Zazi leliñwi, Moya o Kenile wa taha fa halimu ahae. Munyako wa sila sa hae, bene ba sa amuheli libuka za hae! Moya wa mu nata, mi abyangula siñoliso, Mulimu amu tuhela kuli añole mwa pina ya ku kwalula.

Kaufela mulumbe mata a Libizo la Jesu!
Mangeloi awe ka mañwele;
Atahise mushukwe wa silena,
Mi aapeswe Yena Mulena wa boote.

¹²⁰ Sibofu Fanny Crosby, nako yeñwi. Ali, "Kana sitalusani ku wena?" Babañwi... Na sika lekisa tukelo ya ku pepwa kwa hae sina Elvis Presley wa Pentekota mwana ezelize, kamba sina ba church of Christ Boone mone ba ezelize, kamba sina ba Red Foley mone ba ezelize, ku lekisa litalenta za bona kwa lifasi; bana ni ma Cadillac amañata, ni ma dollar aeza lule, ni lipiho zende. Kono Fanny Crosby na pilile ka ku sephala mwa sibaka sa hae. Kiha sa hula ali:

Si nifiteleli, O Mupulusi,
Utwa kulila kwaka;
Ona Mo bizeza ku babañwi,
Si ni fiteleli.

Wena Liweluwelu la kukatuha kwaka,
 Kufita bupilo kuna,
 Kimañi yo Ni ziba mwa lifasi kwanda Hao?
 Kamba kimañi mwa Lihalimu kono Wena?

¹²¹ Kiha bali, "Kucwañi he haiba ukaba sibofu hauyo fita kwa Lihalimu?"

Yena ali, "Ni ka Mu ziba, ni hakuliwalo."

Bali, "U ka Mu ziba cwani?"

Ali, "Ni ka Mu ziba."

Bali, "Boma. Crosby, wakona kuba ni ma dollar aeza lule."

Yena ali, "Ha nilati kuba ni ma dollar aeza lule."

¹²² "Kana u ka Mu ziba cwani?" Yena ali:

Ni ka Mu ziba, Ni ka Mu ziba,
 Ni liuluzwi Ni yeme kwa tuko a Hae;
 Ni ka Mu ziba, Ni ka Mu ziba.

¹²³ "Haiba ha Ni koni ku Mu bona, Ni ka swala mwa mañiba a mazoho a Hae." Na komile munyako wa sila sa hae. Eeni.

¹²⁴ Haiba muinzi ku Kreste! Yena naize, "Ha mu ina ku Na, mi Manzwi a Ka aina ku mina; mukupe se mu bata, mukupe mufuta wa munyako o mubata kunga; mukupe semu bata, mi sika fiwa ku mina. Ha mu ina ku Na, mi Manzwi aina ku mina, mwakona kukoma munyako wa sila kaufela otaha fa pila mina." Ki mina Peu ya silena ya Abrahama.

¹²⁵ Ki mufuta wa munyako mañi oyemi fapila mina? Haiba ki matuku, mufita batuli hahulu ka bona. Fohe lwa kona ku bulela kuli, kuopela pina yende ye ya kale:

Sepiso kaufela yemwa Buka ki yaka,
 Kauhanyo kaufela, timana kaufela... ni za
 Bumulimu cwalo,
 Ni sepile mwa lilato la Hae la Bumulimu,
 Kakuli sepiro kaufela yemwa Buka ki yaka.

¹²⁶ Luna lufita batuli, mi ni Peu ya Abrahama ika koma munyako wa sila! Ha ba bulela kuli Lika ze halikoni ku ezahala, ha ba bata ku Li biza kuli ki diabulosi, kamba Balezebubi, kamba sika sesiñwi, Mulimu una niku koma munyako kaufela ni ku swala sila.

Ha lu lapeleñi.

¹²⁷ Mulena, yona Peu ya Abrahama... Na ziba ba ka Li bona, Mulena. Kana Linzwi lani likona kuwa cwani kusina kunata fa Mubu wa luli wani? Ni lapela kuli ba utwisise cwale. Mutu kaufela ya taha mwa mukoloko wa ku lapelelwá afoliswe.

¹²⁸ Mulena, haiba ku na ni babañwi mo haisali, bao ba sika ba kale ni buipuleli, isiñi kuyema patalaza ni kuyemela Kreste, ba itukiselize ku hana lituto za bumulimu kaufela ni ze bata, ze enya

feela, lika ze shwile zeba zwisize ku Wena. Mi haba kone kuyema cwale, ni kubulela kuli, "Ni ka Mu amuhela kuba Mupulusi wa ka." Mi U ka ba yemela mwa Lizazi lani.

¹²⁹ Ha lunze lu inamisize litoho cwalo, haiba kuna ni baba tabela kuyema fa muzuzu feela, kwa tapelo, muli, "Ni bata ku Mu yemela cwale, kuli A yoni yemela ka Lizazi lani, fa Pila Pata ya Hae." Na mi kupa, ni ku mifa sibaka sakuli libizo la mina libeiwe mwa Buka ya Bupilo, haiba muka yema. Ha ni mikupi kuli mukene mwa keleke ya ka. Ni mi kupa kuli mutahe ku Kreste, haiba muteñi mo mi ha Mu muzibi.

¹³⁰ Mulimu aku fuyole, mushimani. Kana kuna ni yomuñwi, muli, "Ni—Ni bata ku yema cwale." Mulimu aku fuyole, musizana. Mulimu aku fuyole, kezela ka. "Ni bata . . ." Mulimu aku fuyole. Mulimu aku fuyole. "Ni nga mayemo aka, musihali o." Batu ba bande ba, baana ni basali, ba bayemi, "Ni kanga mayemo aka, musihali o."

¹³¹ Mi zazi lani mualafi aka bulela kuli, "Kulukile, kolofalo; mali asweli ku buba, lifu lifa halimwa muuna yo, kamba fa halimwa musali yo." Kamba, kakusasana omuñwi, uka hupula mayemo ahao. U yemele Yena ka cwale.

¹³² "Haiba u Ni swabela fapila batu, Ni ka ku swabela fa Pila Ndate ni Mangeloi a kenile. Kono ha uka Ni paka fapila batu, ya cwalo Ni ka mupaka fa Pila Ndate ni Mangeloi a kenile."

¹³³ Mulimu aku fuyole, kezela ka. Kana kuna ni babañwi fa halimu kokuñwi? Onafa cwale, halunze lu libelela. Babañwi ba kubona, babañata fa sibaka sa makalo? Ku lukile. Ni kunga ka linzwi la hao, mulikani.

¹³⁴ Haiba Linzwi liwela fa Mubu o nunile, sina musali yomunyinyani fa siliba, musali—musali na utwisisize. Na yemezwi mwa Lihalimu, kuzwa kwa makalo—. . . ku sikaba kale mutomo wa lifasi. Fani Liseli lani halito Li monyehela, na tilo Li lemuha.

¹³⁵ Mulimu aku fuyole, muzwale waka. Yani ki ndume. . . Mulimu aku fuyole, muzwale waka. Mwendì ubile ueza lika zetuna mwa bupilo bwa hao; ueza taba yetuna yo sikabe ueza, cwale, uyemele Kreste.

¹³⁶ Ndate wa Lihalimu, peu iwezi fa mubu omuñwi, musihali wo. Lu bona Bupilo bo busweli ku mela. Baana ni basali bayemi ka mautu, mi liito lona luli lelibona la Mulimu, Yena ya liteni kaufela, leli ziba kaufela, ya mata kaufela, wa babona. Ki ba Hao, Ndate. Na ba tahisa ku Wena cwale, sina mupuzo.

¹³⁷ Cwale zibo ya bona ye habanze ba yemi cwale, ka kuziba ze ba ezize, kaku ziba seo se si talusa, kuli ba yema ka kuyema ni baba nyinyani baba kendilwe ba Mulena. Ha ba siyale mwa niti kufitela Lizazi lani haba ka to yema fa Pila Hao, fohe Linzwi lani leli lateha lika bulela kuli, "Eeni, zazi leliñwi mwa Baton Rouge, kamba sibaka se si nyinyani sesi bizwa Denham Springs, na Ni

yemezi, Ndate, cwale Ni ka tuyemela muzwale, kamba kezeli.” Aku alabe, Mulena. Ki ba Hao, ka Libizo la Jesu. Amen.

Mulimu ami fuyole, ka kuyema kwa mina. Mulimu kamita . . .

¹³⁸ Cwale ka kueza taba iliñwi ku na. Mufumane, haiba muinzi koku inezi balisana ba, mubone baba likani, mu bulele ni bona. Haiba ha mu sika kolobezwa kale, ka kolobezo ya Sikreste, mueze cwalo. Muipeye mwahala balumeli cwale, balumeli ba luli, isiñi balumeli ba malikanyiso; balumeli ba luli.

Ha lunze lu lapela, ha lu lapeleleni li tauulo ze.

¹³⁹ Ndate wa Lihalimu, li tauulo ze zaya kwande cwale; koo, Ni sa zibi. Mwendi ki ku mushemi wa sibofu yainzi kwande kwanu mwa sibaka sa mabala kokuñwi, ulibeleta tauulo ye kuli itahe; mbututu yomunyinyani ya lobezi kwani mwa mumbeta wa sipatela; me ya yemi, ka ku bilaela, usweli ku libelela kukuta kwa tauulo. Ndate wa Lihalimu, Ni lapela kuli Uye ni zona. Mi ka situpa sa Pata ya Hao kacenu, mi tumelo ya luna ku Wena sina ha lu kutilizwe Linzwi la Hao, mi tumelo yene li ku Abraham, ni tumelo yene tisizwe ni kufiwa ku luna ka Jesu Kreste, ha izamaye ni li tauulo ze mi ifolise mutu ni mutu yelika beiwa kuyena. Lwa li luma, ka Libizo la Jesu. Amen.

¹⁴⁰ Cwale fa nako nyana feela, lusika biza kale mukoloko wa tapelo. Yena ya mata kaufela ni Mulimu yo mutuna, yena yo Mutuna, Yena ya kona kaufela . . . Shangwe, balikani, Ni—Ni ka kala ku lapelela bakuli, mi Ni . . . Hakulata, ha lu ka shetumuka, Ni—Ni kasana na tokwa kubulela sesiñwi ku wena; babañwi ba kumina mukabe muile nako yani isikafita kale. Seo muli sona kaufela, haiba mane neu sika yema, nako ye fitile, mi ha una sepo . . .

¹⁴¹ Haiba u membala wa keleke, ki nto yende, kono yeo ha ki yende luli. Mwabona, mufumi wa mwanana nali membala wa keleke. Mwabona? Na buzize Jesu sa kueza kuli abe ni Bupilo Bobusafeli. Na sika Bu amuhela. Azwa aikela. Kinto ye bukuba cwani kuli mucaha yani aeze cwalo. Usike wanga sibaka sa hae. Mwa hupula nako ya mafelelezo ya na zibahalizwe? Hasamulaho nyana, ato onyoka. Na tilo fuma. Kutofita fa kuli nihaiba matuli ahae ayuboka. Kono kasamulaho lufumana mwana tilo zibahalisezwa, mwa lihele, mulilo unzo munyandisa. Usike, usike wa tuhela zeo ku ezahala ku wena. Amuhela Kreste.

¹⁴² Mina batu ba banca, mina basizana babanca, micaha yeminca, onafo fa sikuluho ya bupilo, shangwe mueze cwalo. Muni utwe, sina—sina muzwale wa mina, ya mi lata. Ni teni mo kakuli Na mi lata. Na lata Mulimu, mi Na mi lata, mi ha Ni koni ku lata Mulimu haiba ha Ni milati.

¹⁴³ Ne ni kaeza zeñata mane, haiba muna ni taba ya kubulela, mu i bulelele mwanaka fani, kamba alimuñwi wa bana ba ka. Ni kone feela . . . Ni, Ni kaya kusina zeo. Mushemi kaufela uka

eza cwalo; kimwaka ezeza ni Mulimu. Mwabona? Kulata batu ba Hae. Ku latana mutu ni mutu.

¹⁴⁴ Mu li, “Kisikamañi so ba omanyeza?” Lilato la niti la sikulula.

¹⁴⁵ Haiba mwana mina uinzi kwande mwa mukwakwa; mu li, “Kulukile, kiyani Junior yainzi fale. Ha swaneli kueza cwalo, kono ha Ni lati ku halifisa maikuto ahae a bwanana.” Ha mu mulati. Uka bulaelwa kwani. Haiba mwa mulata, mu ka mu kenya mwahali ni ku mu bakula. Muka mu eza kuli autwe.

¹⁴⁶ Cwalo kona mwa evezanga Mulimu. Lilato la sikulula, mi lani ki lilato la niti.

¹⁴⁷ Mi mukutazi ha yema ni kutuhela mina basali kukuta milili yamina, ni kuipenda ni zeñwi, mi ha mi sikululi, hakuna lilato la niti fo; mi hana kuli nyaza. Mi utuhela mina baana kunyala halalu kamba hane, ni lika zeñwi ze kaufela, ni kuya ni zona, hakuna lilato la niti fo. Umi tuhela kui kopanya kwa keleke, ni ku mi natanata fa mukokoto, ni ku mi lamba lituto zeñwi za kuikupulela, hasamulaho, “Kizona feela ze mu lukela ku eza, ku i kopanya kwa keleke ye kenile,” hakuna lilato fo. Kamba, neku leliñwi, mutu yo ulatehezi mukwazo luli, yena kasibili, ha boni.

¹⁴⁸ Lilato la niti la sikulula, mi li mikutisa kwa Linzwi la Mulimu.

¹⁴⁹ Mutualime ku Jesu, kamo, ka sa Na bulezzi, kakuli Na balatile, hahulu kuli Na shwile mwa sibaka sa bona, mane hane baswelii kubiza Mali a Hae.

¹⁵⁰ Cwale ona Moya o Kenile . . . Ni bata ku libelela fa muzuzu feela. Na libelela kufitela tozo ya Moya o Kenile ha ika taha ku na, lusika kala kale. Ni bile ni kutaza. Ni itumezi, ka swalisanayo mina.

¹⁵¹ Cwale, mutu ni mutu mwahali mo, fo uinzi kaufela, kai ni kani mwa muyaho, ulapele fa muzuzu feela, uli, “Mulena Jesu, ni tuse! Aku ni tuse! Ni swale siapalo sa Hao.” Jesu naize, mwa ziba, fani musali hana sweli siapalo sa Hae, Yena nasika utwa sesiñwi, ka butu, ki Ha sikulula ni kuziba yo nali yena ni sana ezize. Usali Jesu ya swana musihali wo, Muprisita Yomutuna yakona ku swalawa ki maikuto a matuku aluna.

¹⁵² Kana mwa lumela, mutu ni mutu wa mina cwale, kuli ki niti, kuli yena Mulimu yana ezize sepiso ye, onafa hape (mi Ha i bonise) kuli lupila mwa mazazi a Sodoma? Ki babakai baba lumela cwalo, mwa muyaho, mu nanule feela mazoho amina.

¹⁵³ Lu pila, sina mone ku inezi, mwa Sodoma. Mulao kaufela kele utampakana, milao ya lifasi, lika kaufela, mulao wa keleke, mulao wa za naha. Haku sana. Litaba za naha li tampakani hahulu. Ona milao, kai ni kai, babusisi baluna, kaufela ki kutampakana. Keleke ifetuhile taba ye swana. Mabasi afetuhile kuba taba yeswana. Ki kutampakana feela, Sodoma!

¹⁵⁴ Fohe, muhupule, Mulimu unani seo fa pila mina, fohe muhupule Naize Uka iponahalisa Iliyena mwa mubili wa butu, mi uka eza sina mwa Na ezelize fapila Sodoma, Mwana yana sepisizwe asika taha kale. Na sepisize ku luma alimuñwi yana ka twaleta kutaha kwa Mwana wa sepiso yani, sina ha Na ezize ka nako ya pili, yaka to zibahalisa; mi Na ize, “Fo Mwana mutu ha ka patululwa.”

¹⁵⁵ Ha ni kuzibi. Kulukile, Ma Thompson, butata bwa sisali bo ni matata, wa lumela kuli Mulimu uka kubisa hande? Kana wa kona ku lumelwa cwalo? Uka fola? Ma, Ma Thomas, wa lumela Uka kufolisa? Nanula mazoho ahao, he.

¹⁵⁶ Kuna ni musali yainzi kwa mulaho wa hao. Usweli ku lapela. Ukula kuopa mwa lingongo.

¹⁵⁷ Yani yainzi bukaufi ni yena, ki butata bwa mwa mba, wa lapela ni yena. Uka latehelwa ki bona, usike wa talima. Wena hauzwi kwanu. Uzwa kwa Mississippi. Ki mina Bo Stringer ni ba Kubona. Haiba mu lumela ka lipilu za mina kaufela, Jesu Kreste uka mi folisa. Haiba mwa kona ku lumela cwalo. Kana mwa lumela? Fohe mwakona ku amuhela. Kulikani. Mu nanule mazoho amina kuli batu babone kuli ki mina.

¹⁵⁸ Na hani bazibi batu ba. Na li kuba ni babona, mwa bupilo bwaka. U lukela ku lumela, mulikani. U sweli ku itibahaza Iliyena. Kana mwa lumela cwalo, ka lipilu za mina kaufela? [Puteho ili, “Amen.”—Mu.]

¹⁵⁹ Kiñi hano nyanganyisa toho ya hao, muñaka, ni kuni talima cwalo? Eeni, sha. Kakuli uezize cwalo, Ni ka bulela ku wena fa muzuzu. Ubonahala kuba muuna ya hulile yainzi ona fa, unzo ni talima. Na ni talima, ka ku sepahala kokuñwi. Na lumela cwalo. Usweli ku lapelela yomuñwi yana ni luñañali. Kono—kono taba yetuna ya hao yo lapelela, wa tokwa, ubata kolobezo ya Moya o Kenile. Yeo ki niti. Uh-huh. Yeo ki niti. Haiba wa lumela cwalo! Kalibe, wena ubata musebezi. Kwanda seo, kuli uzibe kuli Ni mupolofita wa Mulimu, kamba mutanga, ubile ni ku pazuliwa habeli. Liku siyezi buino bwa kufokola. Miinelo ya mifuta kaufela, butata bwa moya. Ni bata ku kubulelala kuli ku felile. Tumelo ya hao i kufolisize.

¹⁶⁰ [Hakuna manzwi fa tepu—Mu.] . . . yena yainzi bukaufi ni wena foo. Usweli ku lapela. Talima kwanu. Ü ku utwile, mi u Mu sweli. Ha ni kuzibi, kono Yena wa kuziba. Ni ka kubulelala so no sweli ku lapelela fateñi. Wa lumela ka pilu ya hao kaufela? Una ni butata bwa nyoko, usweli ku lapela. Kana wa lumela kuli Mulimu uka ku folisa ni ku kubisa hande? Ki wena Musala Smith. Yani ki niti. Nanula lizoho la hao.

¹⁶¹ Mwabona, Yena usweli ku itibahaza Iliyena. Ki sikamañi seo? Ki Peu ya Abrahama, tumelo yana nani Abrahama, yena Mulena Jesu Kreste mwahala luna, inza paka Linzwi la Hae, ni liponiso linze li latelela.

¹⁶² Kimañi, ki amakai makadi aku lapelela, mu nanule mazoho amina, muna ni kadi ya mina? Oh, ku hande lu kale mukoloko wa tapelo.

¹⁶³ Mwa bona, mwa utwisia nji cwani? Cwale moyo wani isiñi feelsa . . . Wani hau folisi. Ona u Mu zibahalisanga feelsa kuli utenim. Balisana ba mina ba na ni mata aswana a ku lapelela bakuli. Ha ba ezanga cwalo; batili, kaniti batili. Kono bona—kono bona bana ni mata aswana feelsa, “Lisupo ze lika latelela ba lumeli.”

¹⁶⁴ Cwale Ni bata balikani baka baba lisana kwanu. [Muzwale Branham ubuza yomuñwi, “Kana ki swanelo kubiza bakutazi, mwahala sicaba?”—Mu.]

¹⁶⁵ Ki babakai balisana mo baba lumela ka lipilu za mina kaufela, bakutazi mwa hali mo, ba balumela? Oh, ki buitumelo. Na kupa haiba kaufela mina tuyeme? Mutahé kwanu, tuyeme ni na fa muzuzu feelsa, ona fa cwana, mu lapelele bakuli. Mutahé kwa neku la kwanu. Cwale mutualime foliso hainze i ezahala, mutualime sesi ezahala.

¹⁶⁶ Ni bata kuli mutahé, kuzwa kwa—kwa mikoloko yemibeli ona fa. Na tuluka cwanoñu ka muzuzu feelsa, ku to lapelela bakuli. Ni bata balisana baba lumezi baba bata ku itibahaza kakuba balumeli. Kuli, mwa lumela, kuli kutaha kwa mina kwanu, mupila bupilo, bobu kenile bobu petehile. Muhupule, mutualime kwanu sesi sweli ku ezahala, kuyemela Evangeli ya Kreste!

¹⁶⁷ Muzwale Blair, Na ziba utenim, wena kamba Muzwale Pat. Shangwe hamu pange mikoloko yemibeli mo mu ipangelanga kamita, haiba mu kona, wena ni Muzwale Pat.

¹⁶⁸ Balisana baba ka lumela! Cwale, mutualime, haiba Mulimu wa kona ku itibahaza Iliyena ka Linzwi la Hae, ka Linzwi la Hae, ki baba kai baba ziba kuli Bibele, Jesu naize cwana, “Lisupo ze lika latelela ba balumela. Ha ba ka beya mazoho fa bakuli, ba ka foliswa”? Balisana, mutile kwanu ku to itibahaza kuba ba lumeli. Mu balumeli nji? Mu ba lumeli (nji cwani?), kambe ha mu sika yema fa. Cwale kisikamañi sana bulezi Jesu? “Lisupo ze lika latelela ba balumela.” Ni mu lumeli ni mina.

¹⁶⁹ Na shetumuka. Ba ki batu baluna, mi luna lu balisana ba mutapi wo. Na shetumuka ni to swala kanyandi ni mina cwale, ni beye mazoho aka ni amina. Mi cwale batu ba ha ba taha, haiba muna ni sesikana sesili sa ku kakanya mwa munahano wa mina, mutokolomohe seo cwale; ili kuli batu habanze ba taha, mi mutu ni mutu wa bona inza taha, mi lu beye mazoho ku bona, baka foliswa. Kana mwa lumela ka lipilu za mina kaufela cwale, mutu kaufela? [Ba kutazi bali, “Amen.”—Mu.]

¹⁷⁰ Ki babakai mo baba ka lapelela babañwi habanze ba fita cwalo, mu nanule mazoho amina, “Ni ka lapela.”

¹⁷¹ Muhupule, ikona kuba bo ndata mina, boma mina, mwana mina wa musizana kamba mushimani, kezeli kamba muzwale. Mi haiba ha ki ba mina, ki ba yomuñwi, baba ka taha mwa mukoloko wo. Mi kucwañi kambe nei kaba bona, mi banze ba shwa ka kansa, kamba matuku amañwi apatilwe, kana baana ha mulati kuba baba sephala hahulu? Kaniti, lwa tabela.

¹⁷² Cwale, Na lumela, muka eza cwani... Cwale ba mwa mukoloko *wo* kwanu, sibaka *se*, muyeme kwani bukaufi ni kwa kufitela *kwani*, ni kadi ya tapelo. Muyeme kwa buse bwa kwani, kaufela mina baba li kwa neku la bulyo. Cwale, mukwa, muswale ba kwa nzohoto; luka filika filika kaufela luna, mwa bona, mi ha muzibi mwa ku ezeza, selu sweli kueza. Ku lukile, kaufela baba li mwa sibaka *se*, a muyeme *kwanu*. Cwale, kaufela babali kwa neku la silyo, amutahe feela ka mukwa wo, kakuli muka shetumuka, mutahe cwalo.

¹⁷³ Mi mukaya cwale, ba ka zwanga cwani fande, Muzwale Borders? Ona kwani kwa munyako wa mwa maneku, mi mutahe ona mwa muyaho hape.

¹⁷⁴ Kacwalo, neku *le* halika bizwa, mwa mizuzu ye likani, mi baka yema. Mi halu boneñi cwale *se*... Ku lukile, bani mwa sibaka *se*, mu sikuluhele kwa neku la kwanu. Muswalelele makadi amina a tapelo, mukute kwa neku *le*. Ni mina mwa malibela, mu shetumuke ili kuli mukopane ni bona kwa mafelelezo a mukoloko *kwani*. Cwale ba kwa neku la nzohoto, mukute kwa neku la nzohoto. Mi hasamulaho, mwa bona, mupange mukoloko wa mina mi mukute sina *cwalo*; mukute, mukute ka mukwa o *cwana*. Mwabona? Mi muka latelela mukoloko handende, fohe kipeto haluna kuba ni kulyangana ni hanyinyani.

¹⁷⁵ Mi cwale mina fa sibaka sa fa halimu, mupange feela libaka za mina ona mwa kufitela *moo*, mi mutuluke onafo basa fita feela.

¹⁷⁶ Cwale, cwale hamukale feela ku kuta mwa mulaho, mutu ni mutu, mukute mwa mulaho kufitela mu kopana ni mukoloko *wo* oli *kwanu*. Amutahe feela ona cwalo, ku kambama *kwanu*, mukale feela ku zamaya mi mutahe mwa mukoloko *kwanu*.

¹⁷⁷ Oh, kisikamañi sesi kona ku ezahala ona *fa*! Kisikamañi sesi kona ku ezahala! Ye ikaba nako yeo sesiñwi silukela kunga sibaka. Ku lukile.

¹⁷⁸ Cwale, yeo ki niti, mukute kwa mulaho ka mukwa *wo*, mi mukene hande mwa mukoloko, sina cwalo. Mukutele hande mwa neku *le*. Yani kona nzila cwale.

¹⁷⁹ Mi cwale hamunze mu yemi, mutu kaufela ka mautu, lu ka lapela. Mi ni kopano ye ika lapela ni na, kuli mu foliswe. Mube feela ni tumelo cwale. Mi musike... .

¹⁸⁰ Mu tahe ona cwalo, kafo kwa mulaho, mu tahe ona cwalo mi mukopane ni mukoloko wo kwa mulaho kwanu. Mu tahe ona cwalo, mupange mukoloko ulimuñwi o mutuna. A mutahe ona cwalo ka nzila *ye*, mi mupange mukoloko ulimuñwi. Fo ku lukile.

¹⁸¹ Mutu ni mutu abe mwa tapelo. Mube cwale mwa tumelo luli cwale. Musike mwa talima nyangela cwale. Muhupule, luna lu-luna lu potolohilwe ka Kubateni kwa Jesu Kreste, ku itingile ku luna ku kuteka Sa ezize mwahala luna, ka kuba ni tumelo mwa Linzwi la Hae.

¹⁸² Sani kise sinde. Cwale kukaba feela hande. Ni sepa mukoloko wani usweli kutaha feela hande.

¹⁸³ Cwale ha banze ba yemi kaufela, Ni bata mutu kaufela cwale, mwa muyaho, kuinamisa litoho za mina.

¹⁸⁴ Mulena Jesu, sa ezahala cwanoñu. Buiketelo buna ni ku pangwi onafa. Kana lwa lumela U teni mo? Kana lwa Kulata nji? Kana luna ni tumelo, Mulena, yeñata ku likana ze luka kupa? Batu ba itibahaha ilibona ka kuyema mwa mukoloko. Mulena, li sike zaba za mbango. Ha ku be, Mulena, kuli bafite kulo kwanu, mutu ni mutu afite nge kuli ufita mwataswa Kreste, kakuli lwa ziba Utensi mo. Mi lu lapela kuli ba amuhele foliso ya bona. Na sepa kuli nihaiba mwa lisunda ni lisunda ze sa taha, batu ba bakaya kwa balisana ba bona, basali bene bana ni butata bwa sisali, butata bwa mwa mba, baana baba nani kolu, matata a mifuta kaufela, aka ba hande, kuli, "Wa ziba, taba yani isazo zwa kuna," kakuli bainzi fa Pila Hao. Ha ba tahe cwale mi—mi ubize bani be U shwezi. Ki bona Peu ya Abrahama, mi U ba komezi. Ha ba tahe mi ba amuhele so Ba bulukezi.

¹⁸⁵ Mi, Satani, ubile u shubulwa sunda ye, kufitela hau ziba kuli u si bupiwa sesi komilwe. Jesu Kreste na ku komile fa Kalvari. Na zuhile ka zazi la bulalu, ka ku lubiza, mi U yemi mwahala luna cwale. Mi tumelo ya luna i talimile ku Yena, ni ku wena kamba sika kaufela seo uezize. Ba siye batu ba, ka Libizo la Jesu Kreste.

¹⁸⁶ [Muzwale Branham ni bakutazi ba beya mazoho fa halimu a bakuli ni ku lapelela mañi ni mañi mwa mukoloko wa tapelo. Hakuna manzwi fa tepu—Mu.] . . . ? . . .

¹⁸⁷ Lu ezize ona cwalo feela mwa lu laelezi Mulena kuli lu eze. Ki babakai ba mina bene bakeni ka mukoloko wani, baba lumezi kuli muka ba hande, mu nanule mazoho amina. Na nanula la ka hamoho ni mina.

¹⁸⁸ Sene lueza fani, fa mafelelezo, ka kuba sikhata sa bakutazi kwani; buñata bwa bona neba kula, Ne ni ziba cwalo, kono balika kubeya ka mata abona kwa ku kenya kopano ya bona mwateñi, kamba baka kena kamba kutokwa. Bani ki balisana ba niti. Mi Moya o Kenile noize ku na, "Aku ba beye mazoho yomuñwi ku yomuñwi." Nelu tamahanyize lipilu zaluna ni tunyandi hamoho, ni litapelo za luna, hamoho.

¹⁸⁹ Jesu, akuba eze hande, nibona. Mi ubaeze babe balisana ba batiile, kutiyela mwa Linzwi la Mulena.

¹⁹⁰ Mi Mulimu, bana bahesu, A mife cwale li takazo kaufela za lipilu za mina. A mu Mu sebeleze ka mazazi, kaufela mi mube ni mata a Mulimu mwa bupilo bwa mina, kwa ku kutaza kwa sikwata sesinde sa batu se. Mi Jesu Kreste, Yena yabile ni luna, mi uinzi ni mina linako kaufela, cwale A ikeze Iliyena kuba butokwa ku mina kufita Mwa kile ainela sapili.

¹⁹¹ Mina batu, babañwi ba ina bene bali lianga, hamukoni ku bona shutano ni yekana fa nako nyana, hamu koni ku bona shutano. Mutualime seo Abrahama na ezize. Hakuna shutano ni yekana; sani hakona semu talima fateñi. Ha mu talima fa miinelo. Mu talime ku sa Na bulezzi. Haiba muli, “Ni sa ikutwa butuku,” seo hasina sesiñwi sa kueza ni sona. Mu ezize seo Mulimu abulezi kuli mu eze. Mwabona, mu sike mwa talima fa lika zeo. Mu talime ku sa Na bulezzi. Mulimu na bulezzi kuli ku cwalo! Na lumela cwalo. Mina bo? [Puteho ili, “Amen.”—mu.] Ka pilu yaka kaufela, Na lumela cwalo.

¹⁹² Mulena Mulimu ami fuyole kufitela ha Ni ta mibona hape. Litapelo zaka li ku mina; busihu ha bubangi bunsu hahulu, pula ha inelangi hahulu ka tata. Ni ka mi lapelelanga. Mu ni lapelelange. Kufitela ha luta kopana hape, Mulimu ami fuyole. Cwale muzwale ya lisa, mwabona.



KUKOMA MUNYAKO WA SILA KASAMULAHO WA MULIKO LOZ64-0322
(Possessing The Gate Of The Enemy After Trial)

Liñusa le ka Muzwale William Marrion Branham, neli kutilizwe la Sunda musihali, Liatamanyi 22, 1964, ili fa Denham Springs High School mwa Denham Springs, Louisiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org